

UGOVOR

LOT 3 - usluge obaveznog osiguranja od autoodgovornosti i kasko osiguranja službenih vozila

Zaključen između :

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, ID broj: 4200556690000, koju zastupa direktor Tarik Smailbegović / u daljem tekstu: **Ugovorni organ** /
2. **ADRIATIC OSIGURANJE d.d. podružnica Sarajevo**, sa sjedištem u Sarajevu, ulica Trg međunarodnog prijateljstva 20, ID broj: 4200213140004, kojeg zastupa direktor Alen Hujčić / u daljem tekstu: **Pružalac usluga** /

I. Uvodna odredba

Ugovorne strane konstatuju da se ovaj ugovor zaključuje na temelju Odluke o izboru najpovoljnijeg ponuđača za pružanje usluge obaveznog osiguranja od autoodgovornosti i kasko osiguranja službenih vozila Kantonalne javne ustanove Dom za djecu bez roditeljskog staranja, koja je donesena nakon provedenog konkurentskog zahtjeva za dostavu ponuda.

II. Predmet ugovora

Član 1.

Potpisivanjem ovog Ugovora Pružalac usluga preuzima neopozivu obavezu pružanja usluga obaveznog osiguranja od autoodgovornosti službenih vozila **ŠKODA FABIA, VOLKSWAGEN KOMBI T5, TOYOTA RAV 4 HIBRID**, kao i kasko osiguranja službenog vozila **TOYOTA RAV 4 HIBRID**, i predaju polica osiguranja Ugovornom organu, a sve u skladu sa svojom ponudom broj 150/20 od 11.11.2020. godine, koja je priložena uz ovaj ugovor i smatra se njegovim sastavnim dijelom.

III. Cijena i način plaćanja

Član 2.

Pružalac usluga se obavezuje da će usluge obaveznog osiguranja od autoodgovornosti i kasko osiguranja službenih vozila kasko osiguranja službenog automobila Toyota RAV4 izvršiti po stavkama osiguranja i iznosima izraženim u KM u ponudi iz člana 1. ovog ugovora. Vrijednost ugovora određena je Ponudom Pružaoca usluga i iznosi **1.986,40 KM** (slovima: jednahiljadadevetstotinaosamdesetšest /40 KM).

Član 3.

Plaćanje usluga iz člana 1. ovog ugovora, Ugovorni organ će izvršiti putem Trezora Ministarstva finansija Kantona Sarajevo, u zakonom predviđenom roku trezorskog načina plaćanja, računajući od dana izdavanja polica osiguranja Ugovornom organu.

IV. Rok pružanja usluge

Član 4.

Period važenja polica obaveznog osiguranja od autoodgovornosti i kasko osiguranja službenih vozila iznosi 12 (dvanaest) mjeseci, i izdaje se nakon isteka postojeće police obaveznog osiguranja od autoodgovornosti i kasko osiguranja službenog vozila.

V. Trajanje i prekid ugovora

Član 5.

Ugovor stupa na snagu danom potpisivanja obje Ugovorne strane i važeći je tokom 2021. godine.

Član 6.

Naručilac može jednostrano raskinuti ovaj ugovor, ako utvrdi da Pružalac usluga ugovorene obaveze obavlja suprotno preuzetim obavezama iz članka 1. ovog ugovora. U tom slučaju Pružalac usluga je obavezan snositi svu štetu nastalu raskidom ovog ugovora.

VI. Rješavanje sporova

Član 7.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.


VII. Završne odredbe

Član 8.

Ovaj ugovor sastavljen je u 4 (četiri) istovjetna primjerka, od kojih svaka strana zadržava po 2 (dva) primjerka.

UGOVORNI ORGAN

Kantonalna javna ustanova
Dom za djecu bez roditeljskog
staranja


Tarik Smailbegović, direktor

Broj: 2599-2/20

Datum: 30.11.2020. godine



PRUŽALAC USLUGA
ADRIATIC OSIGURANJE d.d.
podružnica Sarajevo


Alen Hujčić, direktor

Broj: 20593320

Datum: 08.12.2020

